

## פרשת חקת התשע"ה

הרב ארי דוד קאהן

### 1. במדבר פרק כ, א-יג

(א) ויבאו בני ישראל כל העדה מדבר צן בחדש הראשון וישב העם בקדש ותמת שם מרים ותקבר שם: (ב) ולא היה מים לעדה ויקהלו על משה ועל אהרן: (ג) וירב העם עם משה ויאמרו לאמר ולו גוענו בגוע אחינו לפני ה': (ד) ולמה הבאתם את קהל ה' אל המדבר הזה למות שם אנחנו ובעירנו: (ה) ולמה העליתנו ממצרים להביא אתנו אל המקום הרע הזה לא מקום זרע ותאנה ונגן ורמון ומים אין לשדות: (ו) ויבא משה ואהרן מפני הקהל אל פתח אהל מועד ויפלו על פניהם ויירא כבוד ה' אליהם: פ (ז) וידבר ה' אל משה לאמר: (ח) קח את המטה והקהל את העדה ואתה ואהרן אחיד ודברתם אל הסלע לעיניהם ונתן מימיו והוצאת להם מים מן הסלע והשקית את העדה ואת בעירם: (ט) ויקח משה את המטה מלפני ה' כאשר צוהו: (י) ויקהלו משה ואהרן את הקהל אל פני הסלע ויאמר להם שמעו נא המרים המן הסלע הזה נוציא לכם מים: (יא) וירם משה את ידו ונדף את הסלע במטהו פעמים ויצאו מים רבים ותשת העדה ובעירם: ס (יב) ויאמר ה' אל משה ואל אהרן יען לא האמנתם בי להקדישני לעיני בני ישראל לכן לא תביאו את הקהל הזה אל הארץ אשר נתתי להם: (יג) המה מי מריבה אשר רבו בני ישראל את ה' ויקדש בם: ס

### 2. שמות פרק יד, י-יב

(י) ופרעה הקריב וישאו בני ישראל את עיניהם והנה מצרים נסע אחריהם וייראו מאד ויצעקו בני ישראל אל ה': (יא) ויאמרו אל משה המבלי אין קברים במצרים לקחתנו למות במדבר מה זאת עשית לנו להוציאנו ממצרים: (יב) הלא זה הדבר אשר דברנו אליך במצרים לאמר חדל ממנו ונעבדה את מצרים כי טוב לנו עבד את מצרים ממתנו במדבר:

### 3. ספר שמות פרק טו

(כג) ויבאו מרתה ולא יכלו לשותת מים ממרה כי מרים הם על כן קרא שמה מרה: (כד) וילנו העם על משה לאמר מה נשתה:

### 4. ספר שמות פרק טז

(א) ויסעו מאילם ויבאו כל עדת בני ישראל אל מדבר סין אשר בין אילם ובין סיני בחמשה עשר יום לחדש השני לצאתם מארץ מצרים: (ב) וילינו כל עדת בני ישראל על משה ועל אהרן במדבר: (ג) ויאמרו אלהם בני ישראל מי יתן מותנו ביד יהוה בארץ מצרים בשבתנו על סיר הבשר באכלנו לחם לשבע כי הוצאתם אתנו אל המדבר הזה להמית את כל הקהל הזה ברעב: (ד) ויאמר יהוה אל משה הנני ממטיר לכם לחם מן השמים ויצא העם ולקטו דבר יום ביומו למען אנסנו הילך בתורתך אם לא:

### 5. שמות פרק יז, א-ז

(א) ויסעו כל עדת בני ישראל ממדבר סין למסעיהם על פי ה' ויחנו ברפיידים ואין מים לשותת העם: (ב) וירב העם עם משה ויאמרו תנו לנו מים ונשתה ויאמר להם משה מה תרביבו עמדי מה תנסו את ה': (ג) ויצמא שם העם למים וילן העם על משה ויאמר למה זה העליתנו ממצרים להמית אתי ואת בני ואת מקני בצמא: (ד) ויצעק משה אל ה' לאמר מה אעשה לעם הזה עוד מעט ויסקלני: (ה) ויאמר ה' אל משה עבר לפני העם וקח אתך מזקני ישראל ומטף אשר הכית בו את היאר קח בידך והלכת: (ו) הנני עמד לפניך שם על הצור בחרב והכית בצור ויצאו ממנו מים ושתה העם ויעש כן משה לעיני זקני ישראל: (ז) ויקרא שם המקום מסה ומריבה על ריב בני ישראל ועל נסתם את ה' לאמר היש ה' בקרבנו אם אין: פ

## 6. במדבר פרק יא, ד-ו

(ד) והאספסוף אשר בקרבו התאוו תאוה וישבו ויבכו גם בני ישראל ויאמרו מי יאכלנו  
בשר: (ה) זכרנו את הדגה אשר נאכל במצרים חנם את הקשאים ואת האבטחים ואת  
החציר ואת הבצלים ואת השומים: (ו) ועתה נפשנו יבשה אין כל בלתי אל המן עינינו:

## 7. במדבר פרק יד, א-ד

(א) ותשא כל העדה ויתנו את קולם ויבכו העם בלילה ההוא: (ב) וילנו על משה ועל  
אהרן כל בני ישראל ויאמרו אלהם כל העדה לו מתנו בארץ מצרים או במדבר הזה לו  
מתנו: (ג) ולמה הי' מביא אתנו אל הארץ הזאת לנפל בחרב נשינו וטפנו יהיו לבז הלוא  
טוב לנו שוב מצרימה: (ד) ויאמרו איש אל אחיו נתנה ראש ונשובה מצרימה:

## 8. במדבר פרק טז, יב-יד

(יב) וישלח משה לקרא לדתן ולאבירם בני אליאב ויאמרו לא נעלה: (יג) המעט כי  
העליתנו מארץ זבת חלב ודבש להמיתנו במדבר כי תשתרר עלינו גם השתרר: (יד) אף  
לא אל ארץ זבת חלב ודבש הביאתנו ונתת לנו נחלת שדה וכרם העיני האנשים ההם  
תנקר לא נעלה:

## 9. דברים פרק א, לא-לז

(לא) ובמדבר אשר ראית אשר נשאף הי' אלהיך כאשר ישא איש את בנו בכל הדרך אשר  
הלכתם עד באכם עד המקום הזה: (לב) ויבדבר הזה אינכם מאמינים בהי' אלהיכם: (לג)  
ההלך לפניכם בדרך לתור לכם מקום לחנותכם באש לילה לראתכם בדרך אשר תלכו בה  
ובענן יומם: (לד) וישמע הי' את קול דבריכם ויקצף וישבע לאמר: (לה) אם יראה איש  
באנשים האלה הדור הרע הזה את הארץ הטובה אשר נשבעתי לתת לאבותיכם: (לו)  
זולתי כלב בן יפנה הוא יראנה ולו אתן את הארץ אשר דרך בה ולבניו יען אשר מלא  
אחרי הי': (לז) גם בי התאנף הי' בגללכם לאמר גם אתה לא תבא שם:

## 10. דברים פרק ג, כג-כט

(כג) ואתחנן אל הי' בעת ההוא לאמר: (כד) אדני הי' אתה החלית להראות את עבדך את  
גדלך ואת ידך החזקה אשר מי אל בשמים ובארץ אשר יעשה כמעשיך וכגבורתך: (כה)  
אעברה נא וראאה את הארץ הטובה אשר בעבר הירדן החר הטוב הזה והלבנו: (כו)  
ויתעבר הי' בי למענכם ולא שמע אלי ויאמר הי' אלי רב לך אל תוסף דבר אלי עוד בדרך  
הזה: (כז) עלה ראש הפסגה ושא עיניך זמה וצפנה ותימנה ומזרחת וראה בעיניך כי לא  
תעבר את הירדן הזה: (כח) וצו את יהושע וחזקהו ואמצהו כי הוא יעבר לפני העם הזה  
והוא ינחיל אותם את הארץ אשר תראה: (כט) ונשב בגיא מול בית פעור: פ

## 11. דברים פרק לב, מח-נב

(מח) ויידבר הי' אל משה בעצם היום הזה לאמר: (מט) עלה אל הר העברים הזה הר נבו  
אשר בארץ מואב אשר על פני ירחו וראה את ארץ כנען אשר אני נתן לבני ישראל  
לאחזה: (נ) ומת בהר אשר אתה עלה שמה והאסף אל עמיד כאשר מת אהרן אחיך בהר  
ההר ויאסף אל עמיו: (נא) על אשר מעלתם בי בתוך בני ישראל במי מריבת קדש מדבר  
צן על אשר לא קדשתם אותי בתוך בני ישראל: (נב) כי מנגד תראה את הארץ ושמה לא  
תבוא אל הארץ אשר אני נתן לבני ישראל: פ

## 12. ספר דברים פרק לג

(ח) וללוי אמר תמיד ואוריך לאיש חסידך אשר נסיתו במסה תריבהו על מי מריבה: